

ŠILALÉ BARVÁLA PHURDEL ENDE E EUROPA. AKANÁ SI VREAMEA TE ŠAI AVÉL E POLITIKA MAI TÁTI.

Amé le zeleya mangás te avás iekh tató glaso ando EU parlamento. Amé čí sam pe kudea vurma kai le šudré barvalá phurdél ande e Europa thai le granitzi phandavón le manúšenge kai train ando čožimos. Kana amé dikás e vuřutsinia karing le Pride kidimata thai pe le manúš kai rodén penge patia thai pe le řom kai xan činó pel le dromá ando Europa, da amé atunči hatiarás ke trubulpe mai but zeleya politične manúš. Amé mangás te kerás buči ando iekh puterdó thai džilesko Europa. Kothsé kai le manúšengi patia si savořengi-bi o manúš kai trail peske.

Ande e klimáta le politično e EU si les iekh importante drom te alol peske. Le konservativne partie mangén te den trat le baré pušimáta karing e klimáta thai den pes gindo mai but pe le baré companie desár le glatengo traió mai anglé. Amé le zeleya mangás ke o EU musai te lel responsibilitat te na šai e klimáta rimolpe mai. Ande kudae trubul mai but zeleya politične manúš ando EU parlamento! O EU šai lel o pervo than ande e lumae pe le pušimáta pa e klimáta, atunči nai importante kon anda le politične tu alós.

E zor amenge le zeleya si ke haitiarás responsibilitat te šai amaré tčavé, nepotsi sar train ando vuži lumae thai te sirdén penge vužó aboró, te pen penge thai te najón ando vužó pai thai te barón bi tčořivanó kemikalno votrava ande pesko štató.

O EU si kai purinčil kasavo xabé arisel pe čiro tiari, le dželi so tu kinés, le krisá pe o internet, čiró posibilitat te mutčis tu ando Europa, thai mai but. Amé mangás te šai avél čiro xabé bi votravása thai te na avél katár kinuimé dževini.

Amé mangás te džal o manúš le džedžesesa mai fedér de sar le avionosa vai le mačinása. Amé mangás o gunoj anda o plasto te šai kerél o manuš variso nevé anda leste, desár te ariséł ando pai, te šai rimól le paiá. Amé mothás naa le themeske te šai avél les slobodo te rodél čire gorá, te avél tut korkořó kontrolo pe tute pe o interneto.

O EU musai leske te avél mai koncentratno pe le pušimáta kai si le themén ketanés- e darr te rimólpe e klimáta, te kerén krisá iekh kavřesa oprál le granitzi pa le problemi la klimatása thai te inkerénpe kai e kriss e patia thai o mištimos sa le manušenge. Amé ando Miljöpartiet sikadam ke šai kerás difirantso ande e politika le EUoski.

Ande e buči ketani le manušensa kai train ando o them kerdám te šai boldás e politika ando EU te na astarén prae but mašó anda le paiá. Vi lašardám te na avél džagalé kemikalni ando them thai te na avél pharó le manušeske te mothol so kamél thai te avél les integratsia.

E Miljöpartiet si kritisno sar o EU si vazdeni. Thai ande kudea amé zumavas amenge te boldás e uniona. Amé mangás mai but ditčimos sar o EU kerél peski processa thai te marél pe te šai anklél iekh puterdi principa ande le EUoske institutioni. Amende si o gindo te šai le pušimáta ando EU šai mai fedér te inkerén le pe nationalno, regionalno vai lokalno than. Le themá kai si ando EU, trubul lenge parlamenti mai baré posibilitat te kontrolin te šai e EU naštil te kerél so nai leske slobodo te kerél.

Amé mangás te kerás buči le EUosa mai flexibilitat, kothsé kai svako them šai alol ande soste mangél te avél hamimé. O Miljöpartiet či mangél te baról o EU te kerdól sar iekh europeisko federarišiono. Ma amé mangás ke svako them ando EU kai len pen pala le demokratične krisá thai le manuŝengi patia thai mištimos šai avén ando EU.

AMARÉ KANDIDÁTI KAI RODÉN PENGE THAN ANDO EU SI:

E Isabella Lövin

”E marea, le paiá thai o aboró len nai granitzi. Te sai boldás thai te vortosarás le baré lumaeke pušimáta pa e klimáta thai pa le baré paiá atunči o EU si pe e mai laši bina. O konferenso pa e klimáta kai si te avéla ando Paris 2015 si le EUoske baró čhanso te lel o pervo than pa le pušimáta le klimatoke. Konik anda le baré themá si te lel o pervo than, amé mangás te dikás ke o EU lel les. ”

”Me mangáv vi te zumavav mange te keráv buči te šai lašaiwon le baré paiá ande e lumae. Te na astarén le manuš prae but mašó, te na šuklón le paiá,övergödning, te na perdól kemikalni votrava thai gunoj ande le paiá. Thai te lel e EU thai e lumae sama pa o Arktis, te na šai bilál o pavo kothsé. Kadelása mangáv te kerav buči. Džanáv ke o parlamento ando EU sar kerél difirantso, da čiri vota si importante!”

O Peter Eriksson

”E Demokratsia thai o puterdimos si o drom mai anglé. Adies le siduri anda barr barón karing e lumae. But manuš pušenpe ke mišto si ke šai pirén penge le manuš libero maškár le themá ande e EU? Ma te na, atunči si te avél o EUosko lašó gindo xasardó.”

”O EU šai mangél zorása kátar le themá, te vazdén opré krisá kai šai kerél mai xantsi korrupsia thai diskriminatsia ando them lengo. Atunči tu, čiré votása šai kerés mai lašó than thai traio savořenge pe amari rig ande e lumae.”

Akaná si tut patia čiré votása te kerés e Europa mai laši.

Vortosár e Europa, thai to čiri vota pe le zeleyá.